

全港詩詞創作比賽 填詞

公共圖書館自一九九一年起舉辦「全港詩詞創作比賽」，單年比詩，雙年比詞，旨在提高市民之中國語文運用及韻文欣賞的能力。今年舉辦的「第二十六屆全港詩詞創作比賽」，已是第十三度的「填詞比賽」。評審委員有何文匯教授、陳志清教授、陳煒舜教授、黃坤堯教授、鄧佩玲教授及劉衛林教授。

今屆比賽的詞牌為〈定風波〉，題材由參賽者自定。是屆的參賽者非常踴躍，共收到六百多份參賽作品。學生組參賽者來自各大專院校及高中學生；公開組參賽者則來自社會不同階層。是屆參賽者的作品水準甚高，評審委員經初選、複選，反覆討論，才能決定名次。為確保評選公正，整個評審過程採用糊名方式進行。評判團更約見了學生組入選參賽者，並要求入選者即席對聯，才定出優勝作品。

學生組

冠軍

梁采珩 香港中文大學

定風波 重遊赤柱，見美利樓牆外加裝廣告燈牌，藍屋亦變黃屋，不勝唏噓
重到城南隔數春。依然灘岸夢粼粼。小楫如梭穿海面，清淺△古樓何苦趕時新。昔日阿群來帶路△無懼△華洋雜處語紛紜。烽火繁榮空記得△誰惜△一鷗飛去又黃昏。

亞軍

邱嘉耀 香港中文大學

定風波 漫道離愁付與春。飛花一瓣點漪淪。似帶流雲都不見△如剪△野鳧過處水橫痕。靜佇何堪思久遠△回轉△天涯倦鳥正逡巡。柳陌樓頭枝葉短△望斷△可憐身外又逢君。

季軍

伍展楓 香港中文大學

定風波 詠香港電車
百載滄桑已歷經。通衢越巷繫人情。軌上輪旋燈映戶△如炬△鏗鏘鈴響夢中聽。物換星移歌舞罷△皆化△清風依舊透窗櫺。莫以途長譏馬老△應道△鑪峰尚有此軫軫。

優異獎

黃頌軒 慈幼英文中學

定風波 舊夢如煙卻似真。閑庭春憶正消魂。悄立紅牆花欲落△獨酌△憑欄吹笛覓幽人。淚灑故園傷往地△殘事△卷簾別處在黃昏。悽惻西樓岑寂暮△風露△雲階月地見霜塵。

蔡心瑜 香港樹仁大學

定風波 夜登華山 初嘆奇峰勢竟崇。夜登西岳覓仙蹤。隘路盤旋連復嶂△遙望△滿天星斗掛孤松。決皆蒼茫天漸白△尋跡△華山論劍做英雄。百感萬端詩可得△然則△前人筆下意相通。

霍詠儀 香港樹仁大學

定風波 賞楓有感 一枕寒霜冷雁飛。三杯玉露暖風微。暮雨千林搖落瘦△懷舊△翩翩沈醉舞而歸。不負丹楓佳客有△多否△由來和寡故言稀。乍見黃昏人去後△時酉△凝香馥郁更芳菲。

優異獎

霍霖 香港中文大學

定風波 觀棋 清露薰風洗玉觥。暝鐘松瀑透山城。合陣點兵橫兩壑△爭佔△潛神黑白落無聲。一局手談觀亂史△無已△垂髫皓首競崢嶸。爛盡斧柯遙夕乍△難罷△滿簾素月照楸枰。

蕭榮峰 香港中文大學

定風波 淡月流光十里煙。金風難渡絳河邊。倦客高樓風滿袖△聲漏△憑欄遙望遠山巔。幽夢尋他千百徧△相見△奈何長夜不成眠。靜聽晨鷓聲寸斷△凌亂△愁情點滴化河川。

特別獎

廖章堯 香港城市大學

定風波 夢醒難眠恨未休。夜闌繚亂兩眉愁。鴻雁游魚依舊在△爭奈△有情無處訴書郵。風喚嬋娟花弄影△人靜△心思寄上月樓頭。圓月豈諳環斷事△始悔△韶光似水付東流。

鄧慧妍 珠海學院

定風波 兩岸桃花秣碧漪。行云流水意遲遲。花片寄情風信起△凝視△炊煙吞沒舊家祠。春樹暮雲何事別△音絕△扁舟停泊憶年時。挽袖婉容移玉柱△思語△唱遊醉墨說人癡。



公開組

冠軍

李麗桃

定風波 抽濕機
 雨釀春酣海氣蒸。鞍
 山僊嶺各潛形。耳畔
 清音非滴漏。知否。
 幾宵虛室吸南溟。
 曉靜抄經調筆硯。欣
 見。玉函沆瀣又盈盈。
 休養息機循物理。尤
 喜。隔塵網外不沾凝。

亞軍

李裕韜

定風波 智能電話
 一鍵須臾會友儕。迢
 迢千里雁箋來。世局
 興情全在握。通博。
 身懷墳典詡高才。
 低首凝神眠食廢。娛
 戲。呼盧觀劇鬥牙牌。
 方寸焚屏徒自囿。訥
 口。比鄰今日若天涯。

季軍

葉炯光

定風波 蒼南玉龍山遇雨
 鬧市囂囂意欲昏。何
 如山野作閑雲。棧道
 摩崖高百丈。登上。
 玉龍肩。上叩天門。
 叩得天門開一罅。飛
 下。銀河倒瀉雨傾盆。
 雨後江山供遠眺。斜
 照。落霞殘日杏花村。

優異獎

王錦洪

定風波 屢聞學生跳樓
 學子驚聞又墮樓。忍
 拋小命化浮漚。未報
 劬勞身便死。已矣。
 可憐白髮淚難收。
 一敗何堪長氣餒。應
 悔。差池半步此生休。
 寄語青衿須自信。奮
 進。湍流莫怕逆行舟。

李瑞鵬

定風波 澳門二龍喉詩社傳播
 一圖：一鵝臨宰前與其侶吻別
 不必鴛鴦不必仙。人
 生難得是相憐。天上
 從無無缺月。長別。
 臨歧一吻見纏綿。
 多少夢魂多少淚。無
 悔。綠波雙映事成煙。
 柳下孤棲誰省識。悽
 惻。苦風寒雨自年年。

吳碩駿

定風波 萬花筒
 獨眼凝神管孔窺。菱
 花百綻漾圓池。一瞬
 乾坤旋轉遍。驚見。
 無端揉碎玉琉璃。
 色相叢生貪把玩。夢
 幻。人間哀樂總迷離。
 萬象隨心觀變化。卸
 下。拭勻塵鏡自忘機。

優異獎

陳偉祥

定風波 瀟灑退休
 歲月消磨未等閒。霜
 華點染鬢絲斑。蕪菜
 鱸魚興退思。適志。
 西風張翰脫籬藩。
 恬靜晨昏何所託。淡
 泊。琴書兩罷對雲山。
 飯後茶餘勤百步。歸
 路。沙堤曲檻看澄瀾。

鍾耀松

定風波 廣州雪
 墜霰凝花萬朵銀。分
 明六出眼前真。何幸
 吳鹽南國起。驚喜。
 百年今作雪中人。
 凍合梨雲飛玉屑。寒
 冽。未妨抱璞守冰魂。
 一剪蘿峰香且住。風
 雨。不辭相趁好迎春。

特別獎

曾向新

定風波 詠雪
 蔽日煙霾一掃清。瓊
 花落遍曉初晴。萬木
 千山都裹素。環顧。
 晨光照映倍晶瑩。
 復見纖塵全不染。如
 鑒。冰心豈在色和形。
 本自潔身來濁世。最
 是。塵間黑白總分明。

鄒繼洲

定風波 重上故友墳
 久別還鄉訪舊墳。盈
 懷往事遠猶新。剝蝕
 碑文差可辨。愁見。
 迴藤蔓草競爭春。
 當日輓君余尚少。誰
 料。重來已是暮年身。
 縱使今宵逢在夢。又
 恐。幽魂難認白頭人。

*優異獎及特別獎排名按姓氏筆劃序

第二十六屆

全港詩詞創作比賽

填詞

獲獎作品

